

臺灣文獻匯刊

■ 陳支平 主編

第六輯

第一冊

◎◎ 九州出版社
廈門大學出版社

臺灣文獻匯刊

第六輯 ◎ 第一冊

南征紀程

乾隆間福康安奉命往剿

臺灣林爽文莊大田之

亂上諭匯鈔殘本

臺灣道任內剿辦洋匪蔡

牽賽將軍奏稿(一)

◎◎九州出版社
◎廈門大學出版社

南征紀程

黃叔璥撰

南 征 紀 程

《南征紀程》一卷，黃叔璥撰。黃叔璥，號玉圃，北平大興人，康熙己丑進士。《臺灣文獻叢刊》收有其所著《臺海使槎錄》。本書所記，是黃叔璥於康熙六十一年（1722 年）奉命以監察御史巡視臺灣從京都至臺灣的歷程。

南征記程一卷

〔清〕黃叔璥撰

清華大學圖書館藏清乾隆刻本

南
征
紀
程

序

錫山王

繩曾撰

嘗聞士人讀萬卷書方許行萬里路萬里行
役人多有之而歸之讀書之人何歟豈不以
歷中原蠻徼之廣陸行則識其崇山峻嶺之
脈絡水行則悉其大川巨浸之源流匯會都
會郡邑則詳其歷代之建置沿革以至土田
貢賦之肥瘠盈縮生齒之耗盛習俗之淳漓

而凡古今人物遺風餘韻未歇者過其地則
有感慨憑弔歔歔向往之思此非胸中積有
卷軸上下古今之識不能景與情會濡毫吮
墨一一紀其所見聞也乃先生南征記程
一編自京師歷燕趙齊魯吳越以達閩海寒
暑風雨明晦况瘁三時如前所云者一一備
之於是信讀萬卷書行萬里路非虛語也且
輜軒之職專在一方而萬里之行達於中外

展卷讀之

聖朝聲教朔南暨宛見於筆墨間諮諏詢謀備
聖天子之顧問者所謂堦前即萬里也豈特登高
作賦誇大夫之才已哉

南征紀程

--	--	--	--	--	--	--	--

南征記程

北平黃叔璥玉圃

康熙六十一年正月二十一日丁未

上遣御史巡察福建臺灣大學士會同都察院舉滿
御史殷達里莫爾洪漢御史柴謙及叔璥四人
列名上請余奉

命視事同行滿御史吳君達禮不由開列也

二十五日赴南海子

陸辭恭請

聖訓民生吏治軍機番情無遠不燭

天顏溫霽跪聆

俞旨甚詳亭午始出

二月二十一日丙子叩辭

慈闈已刻發京師同年繆湘芷沅須鳳苞洲呂澗

樵謙恒朱儀庭一鳳何澹菴世璠李敬齋同聲

王巖公承烈汪牧亭誠同署任衡阜奕鑒前輩

戴鶴田芝張石擎國棟陳紫山書江燕齋芑饒

廣寧門外午後大風命姪訥登賢兒子守謙回
過盧溝河即桑乾源出山西馬邑縣自保安州
流逕西山至府西南一名小黃河金明昌三年

南征紀程

建石橋未刻次長興店內兄劉體仁澄觀上人
大兄六弟姪元憐旅次相聚甚驩二兄恐老
母念切策馬先歸

二十二日與體仁大兄元憐姪話別過良鄉午
過琉璃河金史謂之劉李河即古聖水由房山
流逕縣界宿涿州入城晤家中丞文侯

二十三日晚宿白溝河宋遼分界地亦曰拒馬
河

二十四日風澄觀上人六弟赴真定過雄縣五
代雄州縣西有大雄山小雄山阮亭先生云即

公孫瓚易京漢末童謠云燕南垂趙北際中央
不合大如礪今稱趙北口以此北間九十九淀
易滹沱濡涇諸水皆會於此燕趙巨浸也趙北
口飯後同吳書田表兄登文昌閣煙波極目遠
樹如畫宿任工縣漢元始二年使中郎將任工
繕城於此以防海寇因名唐宋金元為莫州邑
令同門陳君餘芳來高陽韓備初遣其子能承
候兩日矣浣初姊丈以武強張甥女病不果來
二十五日風過河間府漢武垣縣地今郡城亦
謂之瀛州城志云郡在滹沱高河之間故曰河

南征紀程

二十六日大風黃沙眯目咫尺不辨過獻縣近古樂壽亭隋爲樂壽縣渡衡漳午過交河縣富莊驛高河滹沱河二水合流故名交河邨外觀音堂小憩因念甥女病危其鄉去此四十里遣使往問宿阜城縣

二十七日晴次景州今州治即漢薊縣晚宿劉智入山東界吳侍御坐談良久一鼓後家人回知甥女於二十一日已卒吾姊生一男二女所存止此溫克異常兒廼天奪其算旅館孤燈不

覺淚泫泫下也

二十八日大風過德州衛河自恩縣流逕故城縣界又東北流逕州城西又北入景州次曲呂店宿平原二十里鋪吳侍御邀同吳書田晚飯二十九日陰次禹城十里鋪晚宿齊河晏城驛三十日陰比日春風微和山翠欲滴桃殷柳碧掩映道左征塵十丈中得此稍快人意過齊河縣本禹城之齊河鎮金置縣次杜家廟於開山廟小憇廻岡複道逶迤曲折經箇山驛松柏蔚然宿張夏自杜家廟至此皆長清地長清春秋

三月初一日丙戌早陰尋晴次墊臺武定進士
馮怡遇於旅次同憇李孝子店中孝子名庭獻
母死廬墓三年負土成墳弟庭芳摒擋家事克
成兄志因並稱孝子邑令旌其門晚宿泰安州
州牧古今譽來宋胡安定孫明復石守道三先
生讀書徂徠山下家孟督學山左時曾爲立祠
至今猶煥然巖阿間也

初二日早發大風望岱宗憶庚寅辛卯同友人
兩登極巔今陳岵嵐尚留京邸李若華秉鐸錫

山張麇若徐盤侯客遊宛陵而沈礪房吳振西
郁元調張孟符俱作古人追維舊雨散若晨星
勝遊不再爲之惘然過汶河午次崔家莊晚宿
新泰羊流店拜晉太傅羊叔子祠去邨七里有
羊續墓子姓零落久無人拜掃矣

初三日雨微雪次花園里人云國初崔尚書別
業故名尚書未詳名字壁間見汪蒼孚農部咏
騾車二絕內一聯千羣馬逸蕭關去一葉舟掀
巨浪中最爲新警晚宿蒙陰蒙山在縣東南四
十里山頂有白雲岩產雲茶色白味辛不堪啜